

中央檔案館整理

宋史

評點二十四史

第十八卷

宋史(三)

中國檔案出版社

宋史卷一百二十三

元中書右丞相總裁脫脫等修

禮志第七十六

禮二十六 凶禮二

園陵 禩安懿王園廟 莊文景獻二太子攢所 秀安僖王園廟 忌日羣臣私忌附

皇后園陵太祖建隆二年六月二日皇太后杜氏崩于滋德殿三日百官入臨明日大斂攢于滋福宮百姓成服中書門下文武百僚諸軍副兵馬使以上並服布斜巾四脚直領襴衫外命婦帕頭被裙衫九日帝見百官

宋史卷一百二十三 禮志

于紫宸門太常禮院言皇后燕國長公主高氏皇弟泰寧軍節度使光義嘉州防禦使光美並服齊衰三年準故事合隨皇帝以日易月之制二十五日釋服二十七日禫除畢服吉心喪終制從之七月太常禮院言準詔議定皇太后諡按唐憲宗母王太后崩有司撰定奏狀讀于太廟然後上之周宣懿皇后諡即有司撰定奏問未嘗集議制下之日亦不告郊廟修諡冊畢始告廟還讀于靈坐前詔從周制於是太常少卿馮吉請上尊諡曰明憲皇后九月六日羣臣奉冊寶告于太廟翌日上于滋福宮十月十六日葬安陵十一月四日神主祔

大廟宣祖室乾德二年改卜安陵于河南府鞏縣三月二十五日奉寶冊改上尊諡曰昭憲皇太后讀于陵次二十六日啓故安陵二十七日靈駕發引命攝太尉開封尹光義遣奠讀哀冊四月九日掩皇堂

太祖孝明孝惠二后乾德元年十二月七日皇后王氏崩一十五日命樞密承旨王仁贍為園陵使時議改卜安陵于鞏并以二后陪葬焉皇堂之制下深四十五尺上高三十尺陵臺再成四面各長七十五尺神牆高七尺五寸四面各長六十五步南神門至乳臺四十五步高二丈三尺吉仗用中宮鹵簿凶仗名物悉如安陵而

宋史卷一百二十三 禮志

差減其數孝惠又減孝明焉二年三月二十七日孝明皇后啓攢宮羣臣服初喪之服明日孝惠皇后自幄殿發引皆設奠讀哀冊四月九日葬孝惠于安陵之西北孝明于安陵之北二十六日皆祔于別廟其後孝明升祔太祖室

太祖皇后宋氏太宗至道元年四月二十八日崩帝出次素服舉哀輟朝五日六月六日上諡曰孝章皇后以歲在未有意權攢于趙村沙臺三年正月二十日祔葬永昌陵之北皇堂陵臺神牆乳臺鵠臺並如孝明園陵制度仍以故許王及夫人李氏魏王夫人王氏楚王夫

人馮氏皇太子亡妻莒國夫人潘氏將軍惟正亡妻裴氏陪葬二月二日耐神主于別宮莒國潘氏至道三年六月追冊爲莊懷皇后陵曰保泰神主耐后廟

太宗賢妃李氏真宗至道三年十二月追尊爲皇太后諡曰元德耐葬永熙陵大中祥符六年升耐太宗室

太宗明德皇后李氏真宗景德元年三月十五日崩十七日羣臣上表請聽政凡五上始允帝去杖絰服衰即御坐哀動左右太常禮院言皇后宜準昭憲皇太后禮例合隨皇帝以日易月之制宗室雍王以下禫除畢吉服心喪終制五日詳定園陵宜在元德皇太后陵西安

葬八月十二日上諡九月二十二日遷坐于沙臺攢宮十月七日耐神主太宗室二年十月十五日帝詣攢宮致奠十六日發引二十九日掩皇堂

真宗章穆皇后郭氏景德四年四月十五日崩皇帝七日釋服後改用十三日羣臣三日釋服諸道州府官吏計到日舉哀成服三日而除二十一日司天監詳定園陵帝令耐元德皇太后陵側但可安厝不必寬廣其棺槨等事無得鐫刻花樣務令堅固二十五日殯于萬安宮之西階詔兩制三館祕閣各撰挽詞閏五月十三日上諡曰莊穆六月二十一日葬永熙陵之西北七月有

宋史卷一百二十三 禮志 三

司奉神主謁太廟耐享于昭憲皇后享畢耐別廟大中祥符二年四月十五日大祥詔特廢朝羣臣奉慰

真宗宸妃李氏仁宗明道元年二月二十六日薨初葬洪福禪院之西北命晏殊撰墓銘二年四月六日追冊爲莊懿皇太后十月五日改葬永定陵之西北隅十七日耐神主于奉慈廟

真宗章獻明肅皇后劉氏明道二年三月二十七日崩于寶慈殿遷坐于皇儀殿三十日宣遺詔羣臣哭臨見帝于殿之東廂奉慰宗室削杖不散髮中書樞密使相比宗室去斜巾垂帽首絰及杖翰林學士至龍圖閣直

學士已上并節度使文武二品已上又去中單及袴兩省御史臺中丞文武百官以下四脚幅巾連裳腰經館閣讀書翰林待詔伎術官并給孝服宰相百官朝晡臨三日內外命婦朝臨三日四月遣使告哀遼夏及賜遺留物十日司天監詳定山陵制度皇堂深五十七尺神

牆高七尺五寸四面各長六十五步乳臺高一丈九尺至南神門四十五步鵲臺高二丈三尺至乳臺四十五步詔下宮更不修蓋餘依二十七日以宰臣張士遜爲山園使是日翰林學士馮元請上尊諡九月四日讀于靈坐十月五日葬永定陵之西北隅十七日耐神主于

宋史卷一百二十三 禮志 四

奉慈廟

真宗章惠皇后楊氏明道三年十一月五日保慶皇太后崩太常禮院言皇帝本服總麻三月皇帝皇后服皆用細布宗室皆素服吉帶大長公主以下亦素服並常服人內就次易服三日而除詔以保祐冲人加服爲小功五日而除四年正月十六日上諡二月六日葬永定陵之西北隅十六日升祔奉慈廟

仁宗慈聖光獻皇后曹氏神宗元豐二年十月二十日太皇太后崩于慶壽宮是日文武百官入宮宰臣王珪升西階宣遺詔已內外舉哭盡哀而出二十六日大斂

宋史卷一百二十三 禮志

五

命韓縯爲山陵按行使二十九日皇帝成服十一月韓縯言永昭陵北稍西地二百十步內取方六十五步可爲山陵上以迫隘縯言若增十步合徵火相主及中五之數詔增十步十二月中書言先是司天監選年月遷祔濮安懿王三夫人今大行太皇太后山陵濮三夫人亦當舉葬於是詔宗室正任防禦使以上許從靈駕已從濮安王夫人者免從三年正月十四日上諡太常禮院言大行太皇太后雖已有諡然山陵未畢俟掩皇堂去大行稱慈聖光獻太皇太后祔廟題神主仍去二太字祕閣校理何洵直言按禮既葬日中還虞于正寢蓋

古者之葬近在國城之北故可以平旦而往至日中即虞於寢所謂葬日虞弗忍一日離也後世之葬其地既遠則禮有不能盡如古者今大行太皇太后葬日以至第六虞自當行之於外如舊儀其七虞及九虞卒哭謂宜行之於慶壽殿又按春秋公羊傳曰虞主用桑土虞禮曰桑主不文伏請罷題虞主太常言洵直所引乃士及諸侯之禮况嘉祐祐治平並虞于集英殿宜如故事又嘉祐祐治平虞主已不書諡當依所請太常禮院又言慈聖光獻皇后祔廟前三日告天地社稷太廟皇后廟如故事至日奉神主先詣僖祖室次翼祖室太祖太祖后

宋史卷一百二十三 禮志

六

太宗皇帝懿德皇后明德皇后同一祝次饗元德皇后慈聖光獻皇后異饌異祝行祔廟之禮次真宗仁宗英宗室禮畢奉神主歸仁宗室如此則古者祔謁之禮及近代徧饗故事並行不廢從之三月十日葬永昭陵二十二日祔于太廟

英宗宣仁聖烈皇后高氏哲宗元祐八年九月三日崩于崇慶宮遺詔皇帝成服三日內聽政羣臣十三日諸州長吏以下三日而除釋服之後勿禁作樂園陵制度務遵儉省餘並如章獻明肅皇太后故事十四日詔園陵依慈聖光獻太皇太后之制紹聖元年正月二十八

日禮部言將題神主謹接章獻明肅皇后神主書姓劉氏詔依故事四月一日葬永厚陵

神宗欽聖憲肅皇后向氏建中靖國元年正月十三日崩二月大常寺言大行皇太后山陵一行法物宜依元豐二年慈聖光獻皇后故事皇堂之制下深六十九尺面方二丈五尺石地穴深一丈上高二丈一尺鵲臺二各高四丈一尺乳臺二各高二丈七尺神牆高一丈三尺五月六日葬永裕陵二十六日祔于神宗廟室先是元祐四年美人陳氏薨贈充儀又贈貴儀徽宗人繼大統詔有司議追崇之典上尊諡曰欽慈皇后祔葬永裕

宋史卷一百二十三 禮志

七

陵與欽聖同祔神宗室崇寧元年二月聖瑞皇太妃朱氏薨制追尊爲皇太后遂上尊諡曰欽成皇后五月祔葬永裕陵祔神主於神宗室皆備禮如故事哲宗皇后劉氏政和三年二月九日崩詔崇恩太后合行禮儀可依欽成皇后及開寶皇后故事參酌裁定閏四月上諡曰昭懷皇后五月葬永泰陵祔神主於哲宗廟室徽宗皇后王氏大觀二年九月二十六日崩尚書省言章穆皇后故事真宗服七日從之十日太史局言大行皇后園陵斬草用十月二十四日斥土用十一月十三日葬用十二月二十七日諸宗室合祔葬者並依

大行皇后月日時刻十一月宰臣蔡京等請上諡曰靖和皇后十二月奉安梓宮于永裕陵之下宮神主祔別廟四年十二月改諡曰惠恭其後高宗復改曰顯恭哲宗昭慈聖獻皇后孟氏紹興元年四月崩詔以繼體之重當承重服以遺詔擇近地權殯俟息兵歸葬園陵梓取周身勿拘舊制以爲他日遷奉之便六月殯于會稽上亭鄉攢宮方百步下宮深一丈五尺明器止用鈿錫置都監巡檢一員衛卒百人生日忌辰且望節序排辦如天章閣儀虞主還州行祔廟禮

宋史卷一百二十三 禮志

八

徽宗顯仁皇后章氏紹興二十九年崩祔于永祐陵攢宮高宗憲聖慈烈皇后吳氏慶元三年崩時光宗以太上皇承重寧宗降服齊衰暮四年三月甲子權攢于永思陵孝成肅皇后夏氏開禧三年崩殯于永阜陵正北吏部尚書陸峻言伏觀列聖在御間有諸后上仙緣無山陵可祔是致別葬若上仙在山陵已卜之後無有不從葬者其他諸后葬在山陵之前神靈旣安並不遷祔惟元德章懿二后方其葬時名位未正續行追冊其成穆皇后孝宗登極卽行追冊改殯所爲攢宮典禮已備與

元德章懿事體不同所以更不遷耐籍前件典禮祇緣喪有前後勢所當然其於禮意却無隆殺今來從葬阜陵爲合典故從之

寧宗恭聖仁烈皇后楊氏紹定五年十二月崩耐葬茂陵

漢安懿王園廟治平三年詔置園令一人以大使臣爲之募兵二百人以奉園爲額置柏子戶五十人廟三間二厦神門屋二所及齋院神廚靈星門其告祭漢安懿王及諸神祝文並本宮教授撰河南府給香幣酒脯禮物太祝奉禮則命永安縣尉主簿攝如闕官以本府曹

宋史卷一百二十三 禮志

九

官凡祭告及四仲饗並依此制奉安神主三獻命西京差判官一員亞獻朝臣一員終獻攝知園令出納神主廟制用一品夫人任氏墳域亦稱爲園元豐詔曰漢安懿王先帝酌酌典禮卽園立廟詔王子孫歲時奉祀義協恩稱後世無得議焉今三夫人名位或未正塋域或異處有司置而不講曷足以彰明先帝甚盛之德仰承在天之志乎三夫人可並稱曰王夫人命主司擇歲月遷耐漢園俾其子孫以時奉主與王合食而致孝思焉禮官奏請王夫人遷葬給鹵簿全仗用鼓吹至園門外減半喪行與四時告享並令嗣漢王主之南渡後主奉

祠事以嗣漢王爲之園令一員以宗室爲之祠堂主管兼園廟香火官一員以武臣爲之紹興二年九月詔每歲給降福建度牒一十道充祠堂仲饗忌祭五年二月嗣漢王仲湜言被旨迎奉漢安懿王神主至行在今已至紹興府欲權就本處奉安從之先是神主神貌在廬州嗣漢王士從乞奉遷於穩便州郡安奉故也十二年五月知大宗正事權主奉漢安懿王祠堂士奏言漢安懿王祠貌神主權於紹興府光孝寺仲享薦祭其獻官牲牢料禮並多簡略乞令有司討論舊制行下禮部太常寺令參酌欲令士奏攝初獻仍差士奏子或從子二

宋史卷一百二十三 禮志

十

人攝亞終獻其合用牲牢羊豕各一遵豆各十設禮料初獻合服八旒冕亞獻終獻合服四旒冕奉禮郎太祝太官令服無旒冕並以舊制從事從之二十六年二月嗣漢王士儉言漢安懿王祠堂外無門牖內闕龕帳別無供具望下紹興府置造修奉淳熙五年四月詔漢安懿王祠堂園廟自今貫及三年令本堂牒紹興府檢計修葺從嗣漢王士鞞請也

秀安僖王園廟紹熙元年三月詔秀王襲封等典禮禮部太常寺乞依漢安懿王典禮避秀安僖王名一字詔恭依仍置園廟四月詔皇伯榮陽郡王伯圭除太保依

前安德軍節度使充萬壽觀使嗣秀王以奉王祀六月
禮部太常寺言濮安懿王園廟制度廟堂神門宜並用
獸所安木主石垆于室中西壁三分之一近南去地四
尺開垆室以石爲之其中可容神主跌匱今來秀安僖
王及夫人神主欲乞並依上件典禮四仲饗廟三獻官
并奉禮郎等係嗣秀王充初獻本位姪男攝亞終獻其
奉禮郎等乞湖州差官充攝行禮合用牲牢羊豕湖州
排辦祭器祭服工部下文思院製造每遇仲饗本府前
期牒報湖州排辦所有行禮儀注乞從太常寺參照濮
安懿王儀注修定並從之其園廟差御帶霍漢臣同湖

宋史卷一百二十三 禮志

十一

州通判一員相度開奏八月霍漢臣暨通判湖州朱儀
言奉詔相度園廟以圖來上十月詔委通判一員提督
修造祠堂如法修蓋十一月禮工部太常寺言濮安懿
王園廟三間二廡神門屋二坐齋院神廚靈星門欲令
湖州照應建造從之三年正月一日嗣秀王伯圭奏建
造秀安僖王園廟近已畢工所有脩製神主儀式令所
司檢照典故修制委官題寫詔差權禮部尚書李燾題
寫二月伯圭又奏秀安僖王祠堂園廟乞從濮安懿王
制每三年一次從本所移牒所屬州府檢計修造從之
莊文太子喪禮乾道三年七月九日皇太子薨設素幄

于太子宮正廳之東皇帝自內常服至幄俟時至易服
阜幘頭白羅衫黑銀帶絛鞋就幄發哀是日皇后服素
詣宮隨時發哀如宮中之禮合赴陪位官並常服吉帶
入麗正門詣宮幕次俟時至常服黑帶立班俟發哀畢
易吉服退自發哀至釋服日皇帝不視事權禁行在音
樂仍命諸寺院聲鐘其小敝大敝合祭告以本宮主管
春坊官一員行禮其餘祭告以諸司官行禮差護喪葬
事一員左藏庫出錢二萬貫銀五千兩絹五千匹成服
日皇帝服期次纊布幘頭褙衫腰絰絹褙衫白羅襪以
日易月十三日而除皇后服次纊布蓋首長衫裙幘絹

宋史卷一百二十三 禮志

十三

襯服白羅襪六宮人不從服皇太子妃及本宮人並斬
衰三年文武百官成服一日而除其文武合赴官及御
史臺閣門太常寺引班祇應人並服布幘頭褙衫腰繫
布帶本宮官僚並服齊衰三日服臨七日而除釋衰服
後藏其服至葬日服葬畢而除十二日詔故皇太子攢
所就安穆皇后攢宮側近擇地纊而都大主管所言太
史局官等選到寶林院法堂堪充皇太子攢所從之十
三日以皇太子薨告天地宗廟社稷宮觀十八日賜諡
莊文閏七月一日遣攝中書令尚書右僕射魏杞奉諡
冊寶于皇太子靈柩前百官常服入次易黑帶行禮畢

常服赴後殿門外進名奉慰是夕皇帝詣東宮行燒香之禮如宮中之儀二日出葬宰臣葉顒等詣靈柩前行燒香之禮與靈訖行事官陪位親王南班宗室東宮官僚入班廳下再拜宰臣升詣香案前上香酌茶奠酒訖舉冊官舉哀冊讀冊官跪讀訖宰臣再拜各降階立左位官皆再拜靈柩進行文武百僚奉辭于城外親王宗室並騎從至葬所掩壙畢辭訖退是日百僚進名奉慰四年五月禮部太常寺言國朝典故即無皇太子小祥典禮今參酌討論將來莊文太子小祥日乞皇帝前後殿特不視事其日先命侍從官一員常服詣太子神

宋史卷一百二十三 禮志

十三

坐前行奠酌禮令本宮官僚常服陪位奠酌畢退次慶王恭王常服赴神坐前奠酌畢退次太子妃并榮國公以下行家入禮至大祥日太子妃榮國公以下及本宮人行禮畢焚燒神帛衰服間月妃及榮國公行禫祭家人禮從之明年七月九日大祥是日皇帝不視事差簽書樞密院事梁克家詣太子宮行奠酌禮如前儀景獻太子嘉定十三年八月六日薨其發哀制服並如莊文太子之禮九日詔護喪視殯所于莊文太子攢宮之東並依其制建造九月十日賜諡景獻遺攝中書令知樞密院事鄭昭先奉諡冊寶于皇太子靈柩前讀冊

讀寶如儀訖班退至興靈日宰臣詣皇太子柩前行禮畢柩行其宗室使相南班官常服黑帶並赴陪位騎從至葬所俟掩攢畢奉辭訖退其日皇帝不視事百司赴後殿門外立班進名奉慰十四年七月二日小祥差知樞密院事鄭昭先充奠酌官十五年八月六日大祥九月十五日詔景獻太子几筵已徹高平郡夫人傅氏可特封信國夫人仍令主奉祭祀

上陵之禮古者無墓祭秦漢以降始有其儀至唐復有清明設祭朔望時節之祀進食薦衣之式五代諸陵遠者令本州長吏朝拜近者遣太常宗正卿或因行過親

宋史卷一百二十三 禮志

十四

謁宋初春秋命宗正卿朝拜安陵以太牢春祠乾德三年始令宮人詣陵上冬服歲以為常開寶九年太祖幸西京過鞏縣謁安陵奠獻雍熙二年宗正少卿趙安易言昨朝拜安陵永昌陵有司止設酒脯香以未明行事不設燭燎又先赴永昌陵後赴安陵及帝后二位不偏拜頗愆於禮事下有司議曰按開元禮春秋二仲月司徒司空巡陵不設牲牢之祀今請如宗廟薦享少加裁減除不設登銅牙槃食及太常登歌外餘悉如大祠朝拜日有司豫于陵南百步道東設次具翦除器以備洒掃設宗正卿位于兆外之左西向陵官位於卿之東南

執事官又於其南俱西向北上設祭器禮料酒饌于兆門內宗正卿以下各就位再拜盥手奠酒讀祝冊再拜先赴安陵次永昌陵次孝明孝惠懿德淑德皇后陵從之景德二年真宗將朝諸陵以宰臣王旦爲朝拜諸陵大禮使太常禮院言朝陵故事合排小駕鹵簿唐太宗朝獻陵宿設黃麾仗周衛陵寢今請周設黃麾仗又唐制前一日陵令以玉冊進御親書近臣奉出陵合受之今請造竹冊四幅祝畢焚之其百官位舊設陵所從祝官及皇親客使分於神道左右貞觀中並陪列司馬門內今望準舊儀施行又舊儀詣寢宮至大次之時設百

宋史卷一百二十三 禮志

十五

官位奏請行禮望令先入赴寢殿立班貞觀中皇帝至小次素服乘馬檢會今年正月車駕朝拜明德攢宮止服素白衣當時皇帝在大祥之內今既服除望止服淡黃袍又按貞觀永徽故事朝陵皆先親後尊拜辭訖出還大次便進發今望先朝永熙陵行事及辭皇帝皆兩次再拜陪位官每陵亦各兩次再拜今請皇帝詣安陵參辭四度再拜永昌永熙陵各兩度設拜舊儀遂寢殿上食備太牢之饌珍羞庶品近以羊豕代太牢今請備少牢之祭設奠讀冊畢復詣寢宮上珍羞庶品別行致奠之禮又舊儀前發三日太尉告太廟令請依禮徧告

宋史卷一百二十三 禮志

十六

六室詔特服素白衣行事次序如告太廟餘依所請四年正月車駕次鞏縣罷鳴鞭及太常奏殿金吾傳呼既至齋于永安鎮行宮太官進蔬膳是夜漏未盡三鼓帝乘馬却輦輦轎扇至安陵素服步入司馬門行奠獻禮諸陵亦然又詣下宮凡上宮用牲牢祝冊有司奉事下宮備膳羞內臣執事百官陪位又詣元德太后陵奠獻別于陵西南設幄殿祭如下宮禮畢徧詣孝明孝惠孝章懿德淑德明德莊懷七后陵遂單騎從內臣巡視陵闕而親奠夔魏岐鄆安周六王及恭孝太子諸墳其三陵陪葬皇子皇孫公主之未出闕者及諸王夫人之蚤亡者各設位次諸陵下宮之東序安陵百二十一墳量設三十位男子女子共祝版二昌陵十五墳量設十位熙陵八墳量設五位並祝版一以致祭焉辰後暫詣幄次更衣復詣諸陵奉辭有司以朝拜無辭禮帝不忍故復往仍遣官祭一品皇親諸親墓大中祥符四年正月祀汾陰經鞏鞏縣有司請于普村王臺設幄殿置三陵神坐皇帝鞞袍就幄設香酒時果牙檠食奠獻而命大臣以香幣酒脯詣諸陵致告駕還復行親謁之禮帝素服乘馬至永安縣齋于行宮夜漏未盡二鼓詣三陵及元德太后明德皇后陵奠獻哀慟未明禮畢復詣四陵奉

辭省視凡筵奠獻如初禮又編詣諸后陵諸王墳致奠
命中使徧祭皇親諸親墳及汝州秦王墳是歲命禮官
定春秋二仲遣官朝陵儀注以祭服行事專差宗正卿
一員朝拜三陵別遣官二員分拜諸陵又製長竿檐牀
二副置陵表祝版遣寬衣軍士三十二人輿送陵下其
後添差陵廟行禮官四員選朝官京官宗姓者充翰林
學士錢惟演言春秋朝陵載于舊式公卿親往蓋表至
恭唐顯慶中始詔三公行事天寶以後亦遣公卿巡謁
蓋取朝廷大臣不必須同國姓後參用太常宗正卿晉
開運中亦命吏部侍郎近年以來止遣宗正等官人輕

宋史卷一百二十三 禮志

十七

位卑實虧舊制望自今于丞郎諸司三品內遣官闕則
差兩省諫舍以上所冀仰副追孝之心以成稽古之美
景祐初滄州觀察使守節言寒食節例遣宗室拜陵而
十月令內司賓往非所以致恭乃詔宗室正刺史以上
一員朝拜四年減柏子戶安陵永昌永熙各留四十戶
永定五十戶會聖宮十戶慶歷二年寒食十月朔宗室
刺史以上聽更往朝陵皇祐三年太常博士李壽朋奏
帝后諸陵薦饗皆有時獨昭靈皇后以合葬安陵不及
時祭禮院言朝拜儀注牲牢並如太廟常饗例諸陵止
奠一爵而安陵奠兩爵兩贊再拜惟祭饌不兼設蓋有

司相承失之於是詔安陵昭憲皇后祝版牲幣御封香
依太廟同室禮更造諸陵祭器貯別庫三陵皆置卒五
百人唯定陵以章獻太后故別置一指揮昭陵使甘昭
吉引定陵例請置守陵奉先兩指揮京西轉運司請減
定陵卒半以奉昭陵詔選募一指揮額五百人初永安
縣官月朔朝定陵望朝三陵韓琦言昭陵未有朝日乃
令縣官朔望分朝諸陵熙寧中詔文臣大兩省武臣閣
門使以上經過陵下並許朝拜又詔自今臣僚朝拜諸
陵除見任嘗任執政官許進湯餘止奠獻薦新不特拜
初故事車駕詣陵謂之親謁南渡之後此禮不舉故上

宋史卷一百二十三 禮志

十八

陵或曰省視或曰保護或曰薦獻或曰祭告或曰致祭
或曰望祭或曰修奉悉遣官不專於行禮也建炎元年
五月一日詔應永安軍祖宗陵寢可差西京留守及臺
臣一員躬親省視如有合修奉去處措置奏聞仍詔鄜
延路副總管劉光世充省視陵寢使又詔河南府鎮撫
使翟興團結本處義兵保護祖宗陵寢四年六月詔令
禮部給降度牒一百道充祭告諸陵禮料仍令翟興所
差來人齋祭告表以行紹興元年九月起居郎陳與義
言陛下躬履艱難之運駐蹕東南列聖陵邑遠在洛師
顧瞻山川未得時省雖欲遣使道路不通聖懷日憤近

聞道路少通差易前日願詔執事每半年擇遣使臣兩員往省諸陵詔令樞密院每半年差使臣兩員前去三年正月禮部太常寺言春秋二仲薦獻諸陵乞于行在法惠寺設位望祭行禮從之自是每歲薦獻率循此制五月詔令戶部支金一百兩付河南府鎮撫使司幹辦公事任直清充祭告永安軍諸陵九年正月上謂輔臣曰祖宗陵寢久淪異域今金國既割還故地便當遣宗室使相與臣僚前去修奉洒掃尋命同判大宗正事士褒兵部侍郎張壽前去河南府祇謁修奉六月太常丞梁仲敏等言春秋二仲遣宗室選郡防禦使薦獻諸陵

宋史卷一百二十三 禮志

十九

太常少卿薦獻永祐陵權宜于行在設位行禮今道路既通望依舊遣官前詣詔令西京留守司候仲秋就便選官前詣諸陵薦獻士褒張壽回言諸陵下石澗水自兵興以來涸竭幾十五年二使到日水即大至父老驚歎以為中興之祥十年三月禮部言池州銅陵縣丞呂和問進宮陵儀制望付太常寺以備檢照永安軍等處今已收復遂委知軍詣諸陵逐位檢視除永定永昭永厚永裕永泰陵園廟並無損動內永安永昌永熙陵神臺壘裂未敢一面擅行補飾太常寺看詳若行補脩合就差所委修飾官奏告行禮詔令河南府委官如法補

飾不得滅裂其後兵部侍郎兼史館修撰張燾言伏見宣諭官方庭實有請乞將來先帝山陵一依永安陵等制度臣區區愚忠願明詔有司異時永固陵凡金玉珍寶盡斥不用播告天下咸使聞知如是自然可保無虞上嘉納之三十二年六月詔祖宗陵寢令本處招討使同本處官吏躬親朝謁如法修奉務在嚴潔以稱孝思之意乾道六年八月詔承信郎劉湛特轉兩官右迪功郎劉師顏特與右承務郎升擢差遣秦世輔特轉一官升充正將以湛等歸正結義保護陵寢故也端平元年正月京西湖北安撫制置使史嵩之露布以滅金聞二

宋史卷一百二十三 禮志

二十

月御筆國家南渡以後八陵迴隔常切痛心今京湖師臣以圖來上恭覽再三悲喜交集凡在臣子諒同此情可令卿監郎官以上詣尚書省恭胝集議遂遣太常寺主簿朱揚祖國門祇候林拓朝謁八陵紹興二年六月太常寺言昭慈獻烈皇太后攢宮在越州會稽縣合依四孟朝獻禮例差宰執一員前一日赴攢宮泰寧寺宿齋至日行朝拜之禮詔同知樞密院事李回行禮二年三月知紹興府張守言昭慈獻烈皇后攢宮近在府界望許臣以時朝謁從之自是守臣皆許朝謁十七年十一月殿中侍御史余堯弼言望舉行舊制於春秋二仲

遣官詣永祐攢宮薦獻臣僚又言陵廟之祭月有薦新著在合典方今宗廟久已遵奉惟是永祐陵闕而未講望令有司討論舉而行之太常寺討論欲依政和五禮依典故令兩攢宮遵依每月檢舉差官行禮其新物令逐宮預行關報紹興府排辦從之二十七年六月詔永祐陵及昭慈聖獻皇后攢宮檢察承受以檢察宮陵所爲名三十年九月吏部言紹興府會稽知縣依倣陵臺合典故於階衙內帶兼主管攢宮事務量加優異淳熙元年正月禮部太常寺言春秋二仲差太常少卿薦獻永祐陵攢宮并周視陵域如遇少卿有缺乞從本寺

宋史卷一百二十三

禮志

三

前期取指揮差本寺以次官充攝所有今年仲春薦獻卽日見闕少卿詔差太常丞錢良臣自後春秋遇少卿闕率以爲例慶元元年六月詔永阜陵孝宗皇帝攢宮每歲秋季一就令所差監察御史恭詣朝拜檢察從御史臺申請諸陵亦如之

忌日唐初始著罷樂廢務及行香脩齋之文其後又朔望停朝令天下上州皆準式行香天祐初始令百官詣闕奉慰宋循其制惟宣祖昭憲皇后爲大忌前一日不坐羣臣詣西上閣門奉慰移班奉慰皇太后退赴佛寺行香凡大忌中書悉集小忌差官一員赴寺如車駕巡

幸道遇忌日皆不進名奉慰留守自於寺院行香仍不得在拜表之所天下州府軍監亦如之建隆二年宣祖忌日時明憲太后在殯羣臣止詣闕奉慰而罷行香乾德二年禘于太廟其日惠明皇后忌有司言唐開成四年正月二十二日祀先農與穆宗忌同日太和七年十二月八日蜡百神與敬宗忌同日詔以近廟忌辰作樂非便宜令縣而不作竊以農蜡之祭猶避廟忌而不作樂況僖祖同廟連室而在諱辰詎可輒陳金石之奏伏望依禮縣而不作其後宣祖昭憲忌日詔準太祖太宗奉翼祖禮前一日更不廢務咸平中有司將設春宴金

宋史卷一百二十三

禮志

三

明池習水戲開瓊林苑縱都人游賞帝以是月太宗忌月命詳定故事以聞史館檢討杜鎬等言按晉穆帝納后月是康帝忌月禮官荀詡議有忌日無忌月若有忌月卽有忌時忌歲益無所据當時從詡所議唐武后神功元年建安王攸宜破契丹詣闕獻捷軍人入城例有軍樂內史王及善以國家忌月請備而不奏鳳閣侍郎王方慶奏按禮經有忌日而無忌月遂舉樂憲宗時太常博士韋公肅言禮無忌月禁樂今太常敘坊以正月爲忌月停郊廟饗宴之禮中外士庶咸罷宴樂竊恐乖宜時依公肅所奏伏以忌日不樂嘗載禮經忌月徹懸

實無典故況前代鴻儒議論足據其春宴及池苑並合舉樂景德元年北征凱旋京師是日以懿德皇后忌詔徹鹵簿鼓吹禮官議曰班師振旅國之大事后之忌日家之私事今大駕凱旋軍容宜肅昔武王伐紂在諒闇中猶前歌後舞夫諒闇是重遠忌是輕以此而論人無爽況春秋之義不以家事辭王事其還京日法駕鼓吹音樂並請振作尋詔自今宗廟忌日西京及諸節鎮給錢十千防禦團練州七千軍事州五千以備齋設元德皇后忌日舊制樞密使依內諸司例惟進名不赴行香知樞密院王欽若以爲言自是三司使副翰林樞密

宋史卷一百二十三 禮志

五

龍圖直學士並赴焉真宗崩元德明德皇后忌日在禪制內乃停進名行香凡奉慰宰相樞密使各帥百官內職共進名節度使留後觀察使各進名忌日前後各禁刑三日如天慶節釋杖以下情輕者復斷屠宰不視事前後各三日禁樂各五日其後以歲月漸遠禁刑不視事各二日禁樂各三日章憲明肅太后忌辰禮官請依章懿太后禮例前後二日不視事一日禁屠宰各三日禁樂詔應大忌日行香臣僚並素食復立孝惠孝章淑德章懷章惠溫成諸后爲小忌未幾罷神宗即位太常禮院言僖祖及文懿皇后神主旣祧準禮不諱忌日亦

請依唐睿宗祧遷故事廢之初神御殿酌獻皇帝位于庭下而忌日兩府列于殿上寺院行香左右巡使兩赤縣令于中門相向分立俟宰臣至立位前直省官贊通揖于禮無據乃命行香羣臣班殿下宰相一員升殿跪爐而罷通揖又詔大忌日不爲假執政官蚤出禮部言順祖及惠明皇后旣葬遷主罷行香忌日請于永昌院佛殿之東張幄齋薦乃詔僖祖翼祖并六位忌日咸如之先是翼祖簡穆皇后神主奉藏夾室依禮不忌後復詔還本室而忌日亦如舊焉政和新儀羣臣進名奉慰其日質明文武朝參官入詣朝堂就次御史臺先引

宋史卷一百二十三 禮志

五

殿中侍御史一員入就位次西上閣門御史臺分引朝參官及諸軍將校次禮直官引三公以下在西上閣門南階下每等重行異位並北向東上知西上閣門官于班前西向立搢笏執名紙躬三公以下文武百寮俱再拜俟閣門官執笏置名紙笏上入西上閣門訖退羣臣奉慰詣景靈宮每等重行異位並北向東上禮直官揖班首以下再拜訖引班首自東階升殿舍人接引同升詣香案前搢笏上香跪奠茶訖執笏與降階復位又再拜次引班首以下分左右搢笏行香宰相執政官分左右行香訖執笏俱復位次引班首升殿詣香案前俯伏

跪搢笏執爐俟讀疏畢執笏伏興降階復位又再拜
退中興之制忌日百僚行香在外州軍亦詣寺院行香
如在以日易月服制之內並依禮例權停大祥後次年
於歷日內箋注立忌辰禁音樂一日紹興元年二月太
常少卿蘇遲等以徽宗欽宗留北有朔望遙拜之禮乃
言凡遇祖宗帝后忌前一日并忌日皇帝自內先服紅
袍遙拜訖易服行禮從之二年八月詔應諸路州軍見
屯軍馬統兵官每遇國忌免行香十三年正月御史臺
言正月十三日欽聖憲肅皇后忌其日立春準令諸臣
寮及將校立春日賜幡勝遇稱賀等拜表忌辰奉慰退

宋史卷一百二十三 禮志

三十五

卽戴欲乞候十三日忌辰行香退卽行戴插從之三十
一年六月禮部侍郎金安節等言六月二十八日欽慈
皇后忌辰係在淵聖皇帝以日易月釋服之外百官行
香宜如常制詔依三十二年正月禮部太常寺言已降
旨欽宗耐廟翼祖當遷於正月九日告遷翼祖皇帝簡
穆皇后神主奉藏于夾室所有以後翼祖皇帝忌及諱
簡穆皇后忌欲乞依禮不諱不忌詔恭依淳熙元年十
一月詔文武百寮詣景靈宮國忌立班行香自今如遇
宰執俱致齋不及赴赴于東班從上引官一員升殿跪
爐行香以次官一員詣西班牙行香先是閣門得旨國忌

行香宰執致齋不赴其西壁武臣關官押班已降旨揮
差使相或太尉節度使等押班可令文武班內班上一
員東壁押班止令西壁散香今後準此至是禮部太常
寺重別指定來上故有是命四年十月太常少卿齊慶
胄言每遇國忌文武班列莫敢不肅唯是武臣一班員
數絕少或以疾病在告多不赴赴詔閣門御史臺申嚴
行下如有違戾彈劾開奏九年十月侍御史張大經奏
比來國忌行香日分合赴官類多託疾在告以免夙興
拜跪之勞乞自今如遇行香日有稱疾託故不赴者從
本臺彈奏乞置典憲從之

宋史卷一百二十三 禮志

三十六

羣臣私忌開寶敕文應常參官及內殿起居職官等自
今刺史郎中將軍以下遇私忌請準式假一日忌前之
夕聽還私第其後有司言臣僚忌日恩賜其間甚有無
名者如劉繼元李煜劉鋹之類皆身為降俘亡沒已久
而尚霑恩賜及周朝忌日尚有追薦本朝亦有追尊皇
后生日道場并諸神祠亦有爲生日者請付禮官詳議
不經之物一切省去詔周朝忌日仍舊餘罷之

宋史卷一百二十三

宋史卷一百二十四

元中書右丞相總裁脫脫等修

禮志第七十七

禮二十七 凶禮三

外國喪禮及入弔儀
諸臣喪葬等儀

凡外國喪告哀使至有司擇日設次於內東門之北隅命官攝太常卿及博士贊禮俟太常卿奏請即向其國而哭之五舉音而止皇帝未釋素服人使朝見不宣班不舞蹈不謝面天顏引當殿喝拜兩拜奏聖躬萬福又喝拜兩拜隨拜萬歲或增賜茶藥及傳宣撫問即出班

宋史卷一百二十四 禮志

致詞訖歸位又喝拜兩拜隨拜萬歲喝祇候退大中祥符二年十二月北朝皇太后凶訃遣使來告哀詔遣官迓之廢朝七日擇日備禮舉哀成服禮官詳定儀注以聞其日皇帝常服乘輿詣幕殿俟時釋常服服素服白羅衫黑銀帶素紗軟脚幞頭太常卿跪奏請皇帝為北朝皇太后凶訃至掛服又奏請五舉音文武百僚進名奉慰退幕殿仍遣使祭奠弔慰三年正月契丹賀正使為本國皇太后成服所司設幕次香酒及衰服絰杖等禮直官引使副已下詣位北向再拜班首詣前執蓋跪奠俛伏與歸位皆再拜俟使已下俱衰服絰杖成服訖

禮直官再引各依位北向舉哭盡哀班首少前去杖跪奠酒訖執杖俛伏與歸位焚紙馬皆舉哭再拜畢各還次服吉服歸驛天聖八年六月契丹使來告哀禮官詳定北朝凶訃宜於西上閣門引來使奉書令閣門使一員跪受承進宰臣樞密使已下待制已上並就都亭驛弔慰七月一日使者耶律乞石至帝與皇太后發哀苑中使者自驛赴左掖門入至左昇龍門下馬入北偏門階下行至右昇龍北偏門入朝堂西偏門至文德殿門上奉書太常博士二員與禮直官贊引入文德殿西偏門階下行至西上閣門外階下面北跪進書閣門使跪

宋史卷一百二十四 禮志

受承進太常博士禮直官退使者入西上閣門殿後偏門入宣祐西偏門行赴內東門柱廊中間過幕次祇候朝見訖赴崇政殿門幕次祇候朝見皇太后訖出三日近臣慰乞石于驛嘉祐三年正月契丹告國母哀使人到闕入見皇帝問云卿離北朝日姪皇帝悲苦之中聖躬萬福朝辭日即云皇帝傳語北朝姪皇帝嬪太皇太后上傳遠勞人使訃告春寒善保聖躬中書樞密以下待制已上赴驛弔慰云竊審北朝太皇太后上傳伏惟悲苦五月獻遺留物明道元年十一月二十四日救夏王趙德明薨特輟朝三日令司天監定舉哀掛服日辰

其日乘輿至幕殿服素服太常博士引太常卿當御坐前跪奏請皇帝爲夏王趙德明薨舉哀又奏請十五舉音又奏請可止文武百寮進名奉慰告哀使副以下朝見首領并從人作兩班見先首領見兩拜後班首奏聖躬萬福又兩拜隨拜萬歲喝賜餽物酒食跪受起又兩拜隨拜萬歲喝各祇候退從人儀同是日皇太后至幕殿釋常服白羅大袖白羅大帶舉哀如皇帝儀其遣使致祭弔慰如契丹

其入弔奠之儀乾興元年真宗之喪契丹遣殿前都點檢崇義軍節度使耶律三隱翰林學士工部侍郎知制

宋史卷一百十四 禮志

三

誥馬貽謀充大行皇帝祭奠使副左林牙左金吾衛上將軍蕭日新利州觀察使馮延休充皇太后弔慰使副右金吾衛上將軍耶律寧引進使姚居信充皇帝弔慰使副所司預於滋福殿設大行皇帝神御坐又於稍東設御坐祭奠弔慰使副並素服由西上閣門入陳禮物於庭中書門下樞密院竝立於殿下再拜訖升殿分東西立禮直官閣門舍人贊引耶律三隱等詣神御坐前階下俟殿上簾捲使副等竝舉哭殿上皆哭再拜訖引升殿西階詣神御坐前上香奠茶酒貽謀跪讀祭文畢降階復位又舉哭再拜訖稍東立俟皇太后升坐中書

樞密院起居畢簾外侍立舍人引弔慰祭奠使副朝見殿上舉哭左右皆哭弔慰使副蕭日新等升殿進書訖降坐俟皇帝升坐中書樞密院起居畢升殿侍立舍人引弔慰祭奠使副朝見皇帝舉哭左右皆哭弔慰使副耶律寧等升殿進書訖賜三隱等襲衣冠帶器幣鞍馬隨行舍利牙校等衣服銀帶器幣有差弔慰使副蕭日新等復請承明殿俟皇太后升坐中書樞密院俟立如儀舍人引蕭日新等升殿進問聖候書畢賜銀器衣着有差仍就客省賜三隱等茶酒又令樞密副使張士遜別會三隱等伴宴於都亭驛英宗即位契丹使來賀乾

宋史卷一百十四 禮志

四

元節命先進書奠梓宮見于東階放夏國使人見客省以書幣入後弔慰使見殿門外契丹祭奠使見于皇儀殿東廂羣臣慰于門外使人辭于紫宸殿命坐賜茶故事賜酒五行自是終諒闇皆賜茶神宗之喪夏國陳慰使丁努鬼各謨鐸副使呂則陳奉精等進慰表于皇儀門外退赴紫宸殿門賜帛有差元祐初高麗入貢有太皇太后表及進奉物樞密院請遵故事惟答以皇帝回諭敕書已而宣仁聖烈太后崩禮部太常閣門同詳定高麗奉慰使人於小祥前後到關令於紫宸殿門見客省受表以進賜器物酒饌退並常服黑帶不佩魚候見

罷純吉服淳熙十四年金國弔祭使到闕惟皇帝先詣梓宮行燒香禮及使人門祭記皆就幄舉輿外陳設行事並如先朝舊儀其奉辭日有司亦先設神御坐及設香案茶酒果食盤臺於几筵殿上宰執升殿分東西立侍從官於殿下西面立使副入門殿上下皆哭使副升殿哭止使副詣神坐前一拜上香奠茶三奠酒舉拜與讀祭文官跪讀祭文一拜與殿上下皆哭使副俱降歸位立又再拜訖退

諸臣之喪國制諸王公主宗室將軍以上有疾皆乘輿臨問如小疾在家或幸其第有至三四者其宮邸在禁

宋史卷一百二十四 禮志

五

中多不時而往惟宰相使相駙馬都尉疾亟幸其第或賜勞加禮焉建隆元年七月宰相范質有疾太祖親幸其第賜黃金銀絹有差開寶二年趙普有疾帝再往視賜銀器絹甚厚太平興國中鎮寧軍節度楊信久病瘖忽能言帝異之遽幸其第加賜資大中祥符二年三月鎮安軍節度使駙馬都尉石保吉疾亟帝將臨視之其日大忌宰相言於禮非便遂遣內侍以諭保吉明日始臨省焉六月幸翰林侍講學士邢昺第視疾賜白金千兩衣著千匹名藥一奩熙寧七年十二月詔頒新式凡臨幸問疾者賜銀絹宰相及樞密使帶使相者二千五

百兩匹樞密使使相二千兩匹知樞密院事參知政事樞密副使同知樞密院事一千五百兩匹簽書樞密院事同簽書樞密院事宣徽使七百五十兩匹殿前都指揮使一千五百兩匹駙馬都尉任使相以下者二千五百兩匹任節度觀察留後以下者一千五百兩匹並入內內侍省取賜

車駕臨奠太常新禮宰相樞密宣徽使參知政事樞密副使駙馬都尉薨皆臨宰奠爵及發引乘輿或再往咸平二年工部侍郎樞密副使楊礪卒即日冒雨臨其喪大中祥符元年殿前都虞候端州防禦使李繼和卒真

宋史卷一百二十四 禮志

六

宗將臨其喪以問宰臣對曰繼和以品秩實無此禮陛下汝序外族先朝亦嘗臨杜審瓊之喪於禮無嫌帝然之即日幸其第康定二年右正言知制誥吳育奏臣竊見車駕每有臨奠臣僚宗戚之家皆即時出幸道路不戒羽衛不全從官奔馳衆目驚異萬乘法駕豈慎重之意乎雖震悼方切於皇慈而舉動貴合乎經禮臣竊詳通禮舊儀蓋俟喪家成服然後臨奠於事不迫在禮亦宜臣愚欲乞今後車駕如有臨奠去處乞俟本家既斂成服然後出幸則恩意容典詳而得中警蹕羽儀備之有素事下禮官議遭喪之家有出殯日乃成服者恐至